



Gunn Mari Moberg vonar at mange vil vera med og konkurrera om den flotte pokalen også i år. (Foto: Ola Matti Mathisen)

Denne helga startar Spar den årlege konkurransen om å bli den beste tipparen i Uskedalen. Konkurransen går over fem laurdagar og siste tipping som gjeld er i veke seks, fortel Gunn Mari Moberg til uskedalen.no.

Deltakarane spelar 96 rekker laurdagsfotball. Den som får mest rette totalt vinn ein flott pokal med denne inngraveringa: " Gratulerer som Spar Uskedalens beste tipper 2007". Det er og premier for dei som kjem på andre- og tredjeplassen.

- Kven var det som starta dette?
 - Initiativet kom frå Norsk Tipping og eg kjenner ikkje til andre i vårt område som har noko tilsvarande.
 - Korleis er det med oppslutnaden?
 - Det har vore med omkring 15. Vi hadde den samme tevlinga i 2005 og 2006 og då vann Jørgen Moberg og Odd Steinar Arnesen.
- Eg kan ikkje minnst at nokon av deltakarane har fått 12 eller 11 rette, men det har vore nokre tiarar.
- Er det organiserte grupper som tippar i denne konkuransen og som kjem hit og fyller ut kupongar?
 - Ikkje som eg har registrert, det er helst hestetipparane som gjer det på den måten, seier Gunn Mari.

Uskedalen.no skal halda lesarane/tipparane orientert om tevlinga frå veke til veke!

Av Ola Matti Mathisen